



kal.komp.

17045

I

Mag. St. Dr

P

Sebastianus

Wembinus Joannes Tristes phalensis  
in fume Sebastiani Nucensis S.T.D. etc

Coat ex off. fume. Casarii

PANEG. et VITAE

Polon. 4<sup>to</sup>

№. 616.



Biblioteka Jagiellońska



stdr0003400

15  
T R I S T E S

P H A L E V C I,

I N F V N E R E

*Admodum Rēdi Domini*

S E B A S T I A N I  
N V C E R I N I,

S. T. D. Canonici Sandomiriē. & Scarbimirieñ.

Ordinarij Ecclesiæ Cathedralis Crae.

C O N C I O N A T O R I S,

*Illustri, ac Magnifico Domino*

F R A N C I S C O á D E M B I A N I  
D E M B I N S K I,

Aulico S. R. M.

A

*Joanne Dembinski, Filio mestis. pie memoria causá  
cum lachrymis fusi.*

CRACOVIAE, Ex Officina Francisci Cæsarij.





D. G R E G O R I V S  
N A Z I A N Z E N V S,

In Oratione Funebri Magni B A S I L I I.

**D** Ecumbebat Vir, Spiritumque trahebat nouis-  
simum, & à superno quærebatur choro, ad quē  
iam pridem respiciebat: confluebat autem, ad  
eum ciuitas vniuersa, minimè damnum ferens, pere-  
grinationemque illius tanquam tyrannum incusabat, ac  
animam eius quasi manibus, vel precibus cogi posset,  
retinere satagebat. Si quidem calamitas ea homines,  
quasi desipientes reddebat, & vnus quisque aliquid de  
propria vita, si possibile fuisset, illi impartiri paratus fue-  
rat. Postquam autem superati sunt (necesse enim erat  
vt ostenderetur quod homo esset, & ipse in manus tuas  
Domine Spiritum meum repono, Angelis dixit nouis-  
simè abducentibus) non insuauiter expirauit; præsen-  
tesque sacris quibusdam instruxit, ac meliores extremis  
reddidit mandatis.

17045 I



Tristes



# TRISTES PHAEVCI.



*Armen triste nimis, modosq̃ tristes,  
Et suspiria, turbidosq̃ luctus,  
Et singultibus impedita verba,*

*Phaeucosq̃ Tibi seueriores,*

*O dulcissime nunc Parens repono.*

*Sed heu munus in hoc manum tenacem*

*Negassem, atq̃ aliâ pios probassem*

*Affectus ratione. Noster ille*

*Mellitissimus innocentiorum*

*Prudentissimus eloquentiorum*

*Disertissimus integerrimorum*

*Oratorum, obiit SEBASTIANVS*

*NCERINVS. amor meus, meumq̃*

*Inter delictum laboriosas*

*Nixas. Currite, currite, ô potenter*

*Meis lachrymulae piæ ex ocellis,*

*Magno cum impete currite, & vicissim*

*Vim vibrare doloris inquietis,*

*Parentemq̃ animi mei fidelem*

*Qui me fonte sacro leuauit, & qui*

*Permulsit teneram admonitione*

*Ætatem solidâ, bonisq; dictis,  
Luctu concelebrate tristiori.*

*Ab quis diuitias venustiores  
Senis commemoret modestioris,  
Cum linguâ daret eloquentiori  
Vitæ dogmata sanctioris, & cum  
Diuinâ excuteret piacula lege,  
Ut non condoleat? grauesq; corde  
Deducat gemitus? Fuit, fuit (quod  
Omnis vox populi fatetur) ille  
Oratorum anima elegantiorum,  
Præses mellifluusq; Concionum,  
Mystarumq; decus grauissimorum;  
Nestor Sarmaticus rotundi ut oris  
Possit dicier. Ille non popelli  
Ad fluxi varium suos palatum  
Sensus insinuabat, impotentis  
Fastus crimina sed probo solebat  
Vero radere. Nil hiulcum, ineptum,  
Nil ignobile, dissonum, ociosum,  
Vanum, dissimulans, molestum, acerbum  
Fluxis antithetis locutus unquam est.*

*Ergo*



Ergo dogma dabat breue, eruditum,  
Sanum, perspicuum, fidele, amenum,  
Et constans imitatione doctâ,  
Quam nec Zoilus improbasset audax,  
Seu magni ingenij sagacitatem,  
Seu morum excuteret suauitatem,  
Seu pectus niueo colore tinctum,  
Seu vim compositam elocutionis.

Os, frontem, faciem, manus, o cellos,  
Ad plenam grauitatis actionem  
Formabat sine fictione tristi,  
Et supercilio seueriore,

Spectatorem etiam ut tacens moueret  
Ad virtutis opus laboriosum:

PAULI siue docentis, è Cathedra,  
Sensus promeret expeditiores,

Quos felix nimium in serenior  
Hausit verticis ignei Corona:

Seu Vim, quam ethereâ subinde fundit  
Pachmos ACCOLA perbeatus aurâ:

Seu Nectar nitidum, fauosq̃ dulces,

Quos culta AMBROSII Minerva porgit:

A3

Seu

Seu puros Zephyros, Fauoniosq;  
Quos HIERONYMVS æstuante spirat  
Orbi pectore: seu profunde acumen  
AVGVSTINÆ tuum explicaret: alti  
Seu pondus BASILI, Atticamq; Suadam:  
Seu CHRISOSTOMI opes améniores:  
Seu BERNARDE melos tui leporis.

Quo se cunq; daret Pater venustus,  
Quem se verteret ille cunq; in orbem,  
Torquebat faciles, pios, acutos,  
Sublimes, varios, graues, rotundos  
Sensus, ingenio sagaciori:  
Plauderent viri ut eruditiores,  
Quod rarum genus eruditionis,  
Quod pressum genus eruditionis,  
Dulci promeret impetu loquendi,  
Raro promeret impetu loquendi,  
Qualem Cecropie probant Athenæ:  
Gauderentq; etiam imperitiores,  
Se comprehendere sensa acutiora,  
Se comprehendere sensa rariora,  
Quæ vitæ magis conferant ad vsum.

Trax



Traxit carminibus suis opacas  
Sylvas : & iuga montium comata,  
Vndarum & domuit rapacitatem  
Orphæus : sed superavit hunc venustus  
Facundus, facilis, celer, rotundus,  
Sublimisq; pater SEBASTIANVS  
NVCÉRINVS. Erant sonantiora  
Ad mendacia, fabulasq; inanes  
Illa, quæ vetus approbavit ætas :  
At nos auribus hisce perbeatas  
Haufimus Venereſq; Gratiasq;,  
Quas senex lepidus, probus, disertus,  
Incundus, venerandus, eruditus  
Aptâ detonuit ſuauitate :  
Dum pacare hominum potens furores,  
Et lenes iterum incitare mentes,  
Turbas, ad pietatis officinam,  
Vocaret numeris Iſocrateis :  
Eſt uſus quibus ipſe cum Quirites  
Blandis flectere vocibus volebat  
Fandi Tullius optimus magiſter  
Linguae gloria Tullius Latina.

Quid



Quid quod Tullius eloquens Quirites  
Lingua mulserat, at nisi Latinâ:  
Pericles potuit tonare quondam,  
At tantum tonuit suis Athenis:  
Natus Sarmata frigidum ad Bootem  
Hausit delitias benignioris  
Cæli: posset ut eminentiore  
Suadella tonuisse, tam Latinis,  
Quam (ut quidem tonuit) suis Polonis,  
Et lingua geminas tenere laudes,  
Et lingua geminam perennitatem.

Ægyptum penetrauit usq; in imam  
Magnus Phythagoras, Platoq; magnus,  
Et venit Scythico gelu relicto  
Athenas Anacharsis eloquentes:  
Vidit Italiam feraciorem  
Bonis ingeniis SEBASTIANVS,  
Doctrinam ut faceret suam auctiorem.

Vos Nymphæ rogo quotquot hinc, & inde,  
Vandali vitreas tenetis undas,  
An vitâ magis integra, & pudica?  
An lingua magis eruditore?

An



An Suadâ magis elegantiore?  
An doctaq; grauiq; scriptione?  
NE ST O'Rille meus, meusq; PHÆNIX,  
In hac, vicerit eloquentiores,  
In hac, vicerit eruditiores,  
In hac, vicerit elegantiores  
Assuetudine, Sarmatas! Habebunt  
Quem eternum recolant pij Nepotes,  
Quem lustrent imitatione morum,  
Quem Candore bono, innocentiaq;  
Et quem Commiseratione cautâ,  
Et Zelo pietatis expedita  
Commendent! tamen ille (proh) dolorem  
In nostris animis acerbiolem  
Fixit, dum in numerum beatiorem  
Iisset, Celicolarum ameniorum  
Hospes magnanimus, amabilisq;  
Istis compagibus solutus. Ergo  
Carmen triste nimis, modosq; tristes,  
Et suspiria, turbidosq; luctus,  
Et singultibus impedita verba  
Phaleucosq; tibi seueriores  
O dulcissime nunc Parens repono.

B

Ad

An



## AD SVGGESTVM.

**I**lla tanquam cygnea fuit, diuini hominis vox  
& Oratio, quam quasi expectantes, post eius interitum veniebamus in Curiam, vt vestigium illud ipsum, in quo ille postremum institisset contueremur. Cic. 3. de Orat. de Crasso Orat.

*Eheu delitium pie Corone,  
Eheu præsidium decusq; templi,  
Eheu culta palestra Concionum,  
Vocis Institutum disertioris  
Vt nunc percolis, in silentioq;  
Persistis rigido, vt simul sacerdos  
Vt verbi arbiter eloquentioris  
Sanctarum vt tuba magna Concionum  
Nobis conticuit, nec eloquentis  
Nec docti pretium obtines laboris,  
Ingratamq; fateris orbitatem,  
Molestamq; fateris orbitatem,  
Et mi materiam doloris offers?  
Quis doctos apices Sacre pagine  
Exprompsit meliusq; digniusq;?*

*Spiritu*

*Spiritu, ingenio, eruditione,  
Vitâ, moribus, innocentiaq?*

*Demorsum sapiebat unguem, & alta  
Noctis Concio lucubrationem, &  
Lucernas vigiles, silentiumq;  
Profundum, & pluteum laboriosum:  
Non vanum strepitum, nugasq; sanna  
Mordacis, tumidosq; Spiritus: Non  
Lusco dicere lusce, veri amicus  
Unquam exhorruit, ut saluam in ore  
Parco Mercurialem, ameniore  
Solers sorbitione glutijset,  
Anginamque, bouemque pinguiorem,  
Ipse palpo sui, à popello hianti  
Rasisset; grauis innocensq; frustra.*

*Disertissima Suada Concionum,  
Sancta magnanimi medulla verbi,  
O & praesidium pie Cathedra,  
O & delitium frequentis aula  
O & delitium pij Senatus  
O & arbiter ingeni potentis,  
NVCERIN & files? Dolemus omnes.*



# IN MONUMENTA CONCIONVM.

**Q**uid lucem fugitis sereniorē  
Quid lucem fugitis remissiorē  
Sanctarum monumenta Concionum?  
Doctarum monumenta concionum?  
Magnarum monumenta Concionum?  
Mens quæ purior approbavit, atq;  
Docto pollice lustra quinq; pressit?  
Mens quæ Sanctior expeditiori  
Effinxit meditatione nobis?  
Possitis neq; quo videre lucem  
Ornatu, ac mage quo videre fructu  
Laborate: satis liber placebit  
Qui prodesse potest. Habet serenam  
Iam lucem Dominus laboriosus,  
Quid vos his latitatis in tenebris?  
Sanctarum monumenta Concionum?  
Doctarum monumenta Concionum?  
Vulgi vos manibus volo teneri  
Vulgi vos volo mentibus recondi.

*Nullam*

A

Nullam sentiet esuritionem  
 Qui vos legerit equiore mente.  
 Istis non modo qui potente lingua  
 Noſtri temporis inter eloquentes  
 Clarum nomen habere concupiſcunt  
 Hinc ut verba loqui diſerta diſcant  
 Hic magno liber uſui eſt futurus :  
 Sed doctis quoq; ceteris ut acre  
 De ſcriptoribus optimè legendis  
 Olim iudicium, & peracri aceto  
 Tinctas auriculasque conſequantur.

Doctorem tamen ut liber volabit  
 Et per pulpita, & ora per virorum,  
 Magnas diuitias ubiq; fundet:  
 At tandem memori ſuo clienti  
 Heu quot millia lachrymationum  
 Heu quod mi dabit anxios dolores!  
 Audire hanc volui & videre vocem,  
 Et non legere mortua in pagina.



B 3

Ad



Ad Perillustrem & Adm̃. Rend. D.  
D. IOANNEM FOXIVM,  
I. V. D. Archidiaconum Ecclesiæ Catedr. Crac.  
Protonotarium Apostolicum &c. &c.

ET

Admodum Reñd. D.  
ADAM VMO PATOVIVM,  
S. T. D. Decanum S. Annæ.

ET

Excellentiss. Dominum  
IACOBVM VITELLIVM  
Oratorem Tylicianum Canonicum S. Annæ.  
Prouisorem Schol; Nouodwor.

*Executores vltimæ Voluntatis pro iisdem monumen-  
tis Concionum.*

**M**Agnum quod video & laboriosum  
Doctæ mentis opus, manusque doctæ  
Viuat posteritati ameniori.

*Hec nam sunt monumenta Concionum,  
Magne lumina lucubrationis,  
Multæ lumina Scriptionis, omne  
Que dixit, docuit, parauit eum,*

*Per-*

M,  
Crac.  
Per sanctæ olim imitationis ergo,  
In magna populi, & Patrum Corona,  
ORATOR BONVS, & bonus SACERDOS.

M,  
His Suada & pietas suas recondit  
Libris diuitias: Apollo doctus  
Affectus gemini, Sacrationa  
Mella hic, ambrosiamque dulciorem  
Et nectar liquidum aureæ Minervæ  
Stillavit, melioribus Camenis  
Arridentibus. Ergo luce tandem  
Recreate boni, pios labores

V M  
PATRONI, hoc Spolium eruditionis  
Vt saletm teneamus expetie,  
Vivis cum careamus aurei oris  
Orbi delitijs, piaque voce.

nen-  
Laudes non negat ille quas reliquit  
Et quas ipse suo dedit Tonanti:  
Saltim Echo maneat loquatiore  
Quæ reddat sonitum angulos in omnes  
Vmbra, terreat improbosque mores  
Ardenti simul elocutione.

Monstrorum domitor, vagum duello  
Qui pressit scelerum gregem, horridamque

Seculi



Secli barbariem, impiosque mores  
Alcides, etiam locatus inter  
Hospes sydera, liquit arma terris,  
Cristatam galeam, & leuem Sarissam,  
Quâ Bellona trucem impedire frontem  
Quâ fulcire manum Minerva posset.

O ergo decus, hæc refigat arma  
Ad templi, & rigido vagam duello  
Heresim opprimat, impiosque mores  
Alcides nouus, & iubar Polonum  
Monstrorum domitorque **NVCERINVS**,  
Ore, & pectore qui eruditiora  
Affectu gemino, & sacratiora  
Fudit fulmina. O laboriosum  
Album, fasciculique, scheduleque,  
Membraneque, apicesque, originesque,  
O Volumina vasta litterarum!  
In quibus loquitur, canitque nobis,  
Olor dulcisonus sibi superstes,  
Phoenix ille meus sibi superstes,  
Cadmus ille meus sibi superstes.

O pulchram nimium, & piam papyrum:  
Sed quam sæpe meus liquor rigabit.

Ad

# A D S O L E M

Et

S Y D E R A.



Vlces excubiæ poli corusci,  
Fixæ lampades atrijs beatis,  
O noctis choreæ, facesque mundi,

In me sepositum nimis dolosam  
Eccur tam subito ferocitatem  
Vibrastis? tenebris nigresco totus,  
Mæstis mordeor, obruorque curis,  
Nil est me aridiusque fractiusque  
Cur his è regionibus vocastis,  
Heu quem plus oculis amo, atque amaui,  
Vestrum ad hospitium, hospitem hospitem,  
Et mihi tenebras seueriores  
Offudistis? amæniorum & auram  
Subtraxistis? niueam serenitatem  
Quamquam sufficiatis his in oris  
Per vrbes, per agros, per angulosque,  
Autumni sociâ benignitate:  
Me squalor tamen, illubensque nimbus,

C

Et



Et atræ tenebræ præoccuparunt,  
Non lucet mea lux, meusque Phæbus.

Sublatus mihi NV CER INVS, ille  
Præstans arbiter eruditionis,  
Præstans arbiter elocutionis,  
Phæbus ille meus, iubarque splendens.  
Non lucet mea lux meusque Phæbus.

Quid turbæ fauor imperitioris?  
Quid vires animique corporisque?  
Virtutis quid amor? quid ars? quid ætas?  
Quid robur valet ingeni sâgacis?  
Quid moresque valent modestiores?  
Quid candor pius? innocentiaque?  
In mundo patulo nihil videmus  
Vsq̃uam perpetuum, nihilque constans.  
Ereptus mihi NV CER INVS, cheu  
Non lucet mea lux, meusque Phæbus.

Cor depascitur insolente flammâ  
Nec morbum queo celitare nostrum,  
Ingenas mihi pallor inuolauit,  
Extinctus mihi NV CER INVS. Eheu  
Non lucet mea lux, meusque Phæbus.

Ite, ite in lachrymas, piosque fletus

San-

Sancti Cælicolæ, cohors beata,  
Onoctis choreæ venustioris,  
O mundi Comites, satellitesque,  
Otbis lumina apertioris; & tu  
O Lunæ tenerum iubar recentis,  
Et tu flammivome imperator æthræ  
Circulator opumbenigniorum,  
Lustratorque dierum amæniorum,  
Metatorque poli serenioris,  
Mecum amabo meum dolete Solem.  
Fletus ingeminate tristiores.  
Fletus ingeminate iustiores.

O Vita, ô mea vita, mel, voluptas,  
O desiderium meum, ô meum cor,  
Quando cernere te licebit! Eheu  
Me non plura finit dolor referre  
Non lucet mea lux, meusque Phæbus.

## I N M O R T E M.

**V**T mens ignea, temperationis  
Senis, delitias poli nitentis  
Sublimi meditatione coxit,



Serpit debilitas per omne corpus,  
Et suspiria crebrius trahuntur.

Hoc videns Lachesis, proculque spectans,  
Non audet propius gradum admouere,  
Aspectu grauiore cogitantis  
Senis territa: sed crebrum Soporem,  
Sed tandemque tumorem acerbiolem  
Immittit: meditationibusque  
Se credit rapuisse tempus omne.

Et iam totus erat sepultus omni  
Sensus corpore, membra per quietem  
Torpebant, simul & tumor premebat  
Fractum, sollicitum, laboriosum  
Senem: cum subito serenus alto  
Ales labitur, & solenne virgâ,  
Tangit magnanimi senis profundam  
Mentem, hæc nec mora deuolat Tonantis  
Aspectum in nitidum, serenam & auram.

Carcerem lea sic seueriorem,  
Libertatis amans amænioris,  
Rumpit: purpurei senis parata  
Sic mens insiluit chorum in beatum.





217  
O  
O  
O  
O  
E  
C  
L  
M  
M  
F  
E  
O  
O  
G  
M  
N  
V  
218



